

Contribut por la Cüra: giulan y Dî s'al paies a chi che à dè so contribut cina sègn y recordun a chi, che s' à desmentié o ne à nia lit la lêtra che ti è gnüda menada, che vigni picëra oferta é bëgnodüda.


Denuncia dei redditi: cun osta firma sön la "denuncia dei redditi" o söl mod.CUD podëise indô destiné l' 0,8% ala Dlijia Catolica y implö l' 0,5% dl IRPEF a val'organisaziun catolica o sozjala de nosta Diozeja. Chësta firma ne se costa nia, mo ala é n gran aiüt ala Dlijia. Sce adores bustes por l' CUD les ciafëise jö a pé de dlijia.

* * * * *

Curs de inglesc: L'KVW de Badia lascia alsavëi che en mertesc ai 17.04.2012 dales 09:30 te Ciasa Runcher scomëncia n curs de inglesc (Beginners 2) por chi che sa bel n pü' d'inglesc o à bel fat n curs. Info y prenotaziuns pro Cristina (0471/839657 o 333159159).

Vangele dla dumënia che vëgn - (Dumënia blančia) do San Jan 20,19-31

La sëra dl pröm dé dl'edema, canche i discepui à dala tëma dan dai iüdes sarè pro les portes, él gnü Gejù, é jü amesa ëi ite y ti à dit: Pêsc a os! Do chëstes parores ti à mostrè sües mans y so costà. Dailò se ralegrà i discepui da odëi le Signur. Gejù ti à ciamò n iade dit: Pêsc a os! Sciöchë le Pere m' à menè mè, insciö ves mëni iö os. Do ch' al à albü dit chësc, ti à fladè ados y ti à dit: Recioiède le Spirit Sant! A chi che os ti lascëis do i picia, ti ési lascia do; y a chi che os ne ti ai lascëis nia do, ne ti ési nia lascia do. Tomesc, nominé Didimus (jomelin), un di dodesc, n' è nia pro d'ëi, canche Gejù é gnü. I atri discepui ti à spo dit: I ün odü le Signur. Al ti à respognü: Sc' i ne vëighi nia les ferides di agüs te sües mans y sc' i ne pò nia mëte mi dëit tl büsc di agüs y mia man te so costà, ne crëii nia. Otedé do é sù discepui indô abinà adöm, y Tomesc é laprò. Dailò é gnü Gejù - les portes é stlütës pro - é jü amesa ëi ite y à dit: Pêsc a os! Spo ti à dit a Tomesc: Tëgn ca to dëit - chilò é mies mans! Tëgn ca tûa man y mëtela te mi costà, y ne stè a ester descredënt, mo credënt! Tomesc ti à respognü: Mi Signur y mi Dî! Gejù ti à dit: Deache te m' as odü, crëieste. Beâc é chi che ne vëiga nia y crëi impò. Ciamò tröc d' atri sëgns, che n' é nia scric sò te chësc liber, él stè Gejù che à fat dan dai edli de sù discepui. Mo chisc é gnüs scric sò ch' i cherdëise che Crist é le Messia, le Fi de Dî, y ch' i ëise, tres la fede, la vita te so inom.




Usc dla Cüra

BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 20	Edema: 08.04 - 15.04.2012
--------	---------------------------



Bona Pasca

Frohe Ostern

Buona Pasqua

2012

*„Les ciampanes da Pasca sona da festa y incunda la bona Noela che GEJÙ é ressori. Al vir por dagnora.“
Alleluia!*

Aodun a düta la Comunità, ales families y a vignun na **BONA PASCA** de pêsc y ligrëza.

Siur Degan

FUNZIUNS SACRES

08.04. FESTA DE PASCA DL SIGNUR


09.00 Mëssa solena dla Ressorenziun dl Signur
Benedisciun dles spëises da Pasca

14.00 Öspi da Pasca

18.00 †ta Teresa Pescoll

†ta Anna Bernardi (dala Uniun dles Èles)

†ta Rosina Pitscheider



09.04. LÜNESC de PASCA

09.30 Corona por †to Giorgio Valentini

10.00 S.Mëssa

Mëssa de sopoltüra por †to Giorgio Valentini

†to Guido Dapunt

†ti Paul y Albina Pizzinini

†to Pire Valentini

10.04. Mertesc

Degüna S.Mëssa

11.04. Mercui

07.25 †ti Sepl y Maria Frenademetz - aniversar

†to Milio Valentini / Coldanvi

por la fam. André y Renate Valentin

12.04. Jöbia

Degüna S.Mëssa

13.04. Vëndres

07.25 †to Alfonso Irsara

†ti Alfarei d'Andrac

†tes sorus Valentini de Pic' Tita

14.04. Sabeda

16.00 S.Mëssa a Oies

15.04. DUMËNIA BLANÇIA / Ann B

Dumënia dla Divina Misericordia


10.00 Mëssa por la Comunità

15.00 Ora de adoraziun

18.00 †ta Regina Canins - aniversar

†to Antonio Palumbo

†to Isidoro Ploner



Weißer Sonntag

Miteinander feiern


Miteinander beten

Miteinander Mahl halten

das ist Gemeinschaft in Christus

Dala VITA dla CÜRA


Inviun düc ai **Öspi en Pasca** dales **14:00** y ala **Festa dl Lünesc de Pasca** dales **10:00** por la S.Mëssa.



“Cero Pasquale”: n gran giulan dla bela ciandëra da Pasca va a Maria da Murin, ala Agnese y ales mitans dla scola mesana: Carmen Valentin, Silvia Pitscheider, Samanta Ploner, Monica Pitscheider, Lisa Irsara, Anna Laura Irsara, Magdalena Nagler.

Curs de formaziun: dai 25.04 ai 27.04.2012 a La Ila söl tema *“L'sëns dla vita”* cun don Giuseppe y la Comunità Abba. L'curs costa 25 €. Por informaziuns y iscriziuns cherdede sö Lilly (tel. 0471/847073).

Statua de Santa Maria Pellegrina: te païsc rodel la statua de Santa Maria Pellegrina che vëgn tuta sö tles families 3 dis por perié adüm cun Èla. Chi che ess interès da l'avëi te ciasa po damanè do ala Rosmarie (tel.0471/839698) o ala Maria dla Pens.Runcaç (tel.0471/839660).



Düta la Comunità tol pert al dolor di familars dl defunt Giorgio Valentini che é gnü cherdè dal Signur te so règn tl'eté de 53 agn.

Che al paises tla pësc eterna.

Program de formaziun: al é gnü fora l'program d'aisciöda nü cun düc i termins dles initiatives y ativités te vigni païsc dla valada. Ai é metüs fora jö a pé de dljia y ti local publicis.



L'Sorvisc ai Jogn lascia alsavëi che l' tratan i mëisc de auri y mà sarà l' local di jogn davert **vigni jöbia** dales **15:00** ales **19:30** y la **prüma** y la **terza sabeda dl mëis** dales **18:30** ales **22:30**.